

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
PREDSTAVNIČKI/ZASTUPNIČKI DOM  
*Komisija za jednakopravnost spolova/  
Povjerenstvo za jednakopravnost  
spolova*



БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ПАРЛАМЕНТ ФЕДЕРАЦИЈЕ  
ПРЕДСТАВНИЧКИ ДОМ  
*Комисија за једнакоправност сполова*

BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
HOUSE OF REPRESENTATIVES

Broj: 01/10-02-1735/23  
Datum: 21.06.2023. godine

Bosna i hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 22-06-2023			
Org. jed.	Broj	Priloga	Vrijednost

**PREDSTAVNIČKOM DOMU  
PARLAMENTA FEDERACIJE BIH**

Komisija za jednakopravnost spolova Predstavničkog doma Parlamenta Federacije BiH (u daljnjem tekstu: Komisija) na 3. sjednici, održanoj 21.06.2023. godine, razmatrala je sljedeći dnevni red:

1. Usvajanje zapisnika 2. sjednice Komisije,
2. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2022. godinu,
3. Konsultacije za organiziranje Tematske sjednice Komisije u vezi ekonomije birige i neplaćenom ženskom radu,
4. Planiranje nastavka aktivnosti na utvrđivanju i izradi Prijedloga zakona o zaštiti od nasilja u porodici,
5. Tekuća pitanja.

Na osnovu člana 44. a u vezi sa članom 66. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

## IZVJEŠTAJ

### Ad-1 Usvajanje zapisnika 2. sjednice Komisije

Zapisnik 2. sjednice Komisije, održane 14.03.2023. godine, jednoglasno je usvojen bez primjedbi.

### Ad-2. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2022. godinu

Članovima Komisije obratila se Jasminka Džumhur, ispred Institucije ombudsmena za ljudska prava u BiH te detaljno obrazložila Godišnji izvještaj Institucije ombudsmana za

2022. godinu. Uslijedila je diskusija članova Komisije u kojoj se posebno naglašava da svi subjekti konačno počnu izvršavati preporuke Institucije ombudsmena za ljudska prava BiH. Nakon sveobuhvatne diskusije, članovi Komisije prihvataju navedeni Izvještaj uz posebnu pohvalu na detaljnim analizama i preporukama u sažetku samog Izvještaja koji može poslužiti u izradi akcionih planova svim subjektima iz oblasti ljudskih prava.

### **Ad-3. Konsultacije za organiziranje Tematske sjednice Komisije u vezi ekonomije birige i neplaćenom ženskom radu**

Predsjednica je dale uvodne napomene u vezi organizacije i pripreme tematske sjednice Komisije o temi ekonomija brige i neplaćenom ženskom radu. Pozvala je gospodu Samru Šuškić predstavnicu UN WOMEN u BiH da detaljno predstavi i informiše članove Komisije o studiji koja im je ranije dostavljena uz poziv za sjednicu, a koja će biti jedna od okosnica tematske sjednice. Samra Šuškić iskazala je zadovoljstvo na prilici da predstavi jednu cjelovitu studiju i analizu stanja o neplaćenom ženskom radu, te istakla sve bitne stavke u istoj. Nakon sveobuhvatne analize, članovi Komisije pozdravili su i prihvatili prijedlog predsjednice za organizaciju tematske sjednice. Predloženo je da termin za održavanje tematske sjednice bude druga polovina jula 2023. godine, u zavisnosti od zakazivanja sjednica domova Parlamenta Federacije BiH.

Sjednici su još prisustvovala: Nermina Voloder, direktorica Westminster fondacije za demokratiju u BiH, Anela Lemeš, predstavnica UN WOMEN BiH, Aida Obuća, predsjednica Komisije za jednakopravnost spolova u Domu naroda PFBiH, Dženana Aladžuz, direktorica Fondacije Infohouse, Lejla Hodović, predstavnica Gender centra F BiH, te Dijana Šehić iz Udruženja „Prava za sve“ koje su se obratile članovima Komisije, srdačno pozdravile i iskazale zadovoljstvo što će imati priliku učestvovati u radu i samoj pripremi navedene tematske sjednice Komisije. Tematska sjednica će imati za cilj predložiti Parlamentu F BiH set mjera i preporuka na usvajanje za konačno valoriziranje neplaćenog ženskog rada.

### **Ad-4. Planiranje nastavka aktivnosti na utvrđivanju i izradi Prijedloga zakona o zaštiti od nasilja u porodici**

Predsjednica je informirala članove Komisije da je ranije održala radni sastanak sa predsjednicom Komisije za jednakopravnost spolova Domu naroda PFBiH, te o tome koji je bio tok usvajanja Nacrta zakona o zaštiti od nasilja u porodici u predhodnom mandatu, odnosno da su u dva Doma Parlamenta bili različiti predlagači istog teksta. Provedena je javna rasprava koja nije dala kvalitetne rezultate/preporuke za izradu Prijedloga. Također, istakla je da je dogovoreno da dvije Komisije zajedno pokrenu aktivnosti kako bi se što prije ovaj Zakon našao u parlamentarnoj proceduri. Nakon sveobuhvatne diskusije, usvojen je sljedeći:

#### **ZAKLJUČAK**

Formirati radnu grupu u čijem sastavu bi bili: predsjednice Komisija oba Doma, predstavnice Gender centra F BiH, te predstavnice nevladinih organizacija koje su bile uključene u izradu teksta Nacrta zakona o zaštiti od nasilja u porodici. Zadatak radne grupe je inicirati zakazivanje radnih sastanaka sa ministrima nadležnih ministarstava kako bi se što prije došlo do kvalitetnog Prijedloga zakona o zaštiti od nasilja u porodici koji bi bio upućen u parlamentarnu proceduru.

#### **Ad-5. Tekuća pitanja**

Za diskusiju o ovoj tački dnevnog reda nije bilo prijavljenih.

U skladu sa članom 53. Poslovnika Predstavničkog doma za izvjestiteljicu je određena Alma Kratina, predsjednica Komisije.

PREDSJEDNICA KOMISIJE  
Alma Kratina, s.r.